

摘藻堂四庫全書薈要

史部

欽定四庫全書薈要

史部

硃批諭旨卷二百七上

詳校官編修臣繆晉

欽定四庫全書薈要卷八千一百八十四

史部

硃批諭旨卷二百七上

硃批史貽直奏摺

雍正七年正月二十日吏部左侍郎仍兼管戶部
侍郎事臣史貽直謹

奏臣奉

旨差往福建審理喬學尹及禪濟布等案又面奉

諭旨命臣教導福建督臣高其倬撫臣劉世明臣於上

年十二月內到闕即會同督臣高其倬內閣侍讀
學士臣西柱一面先提集各案卷宗及案內官犯
證佐撫臣劉世明於本年正月到任所有應查應
審之事容臣等次第辦理分案具

奏外臣遵奉

諭旨於接見督臣高其倬撫臣劉世明之時即詳加教
導仰惟

皇上洪慈覆載體恤臣下者無所不至

聖哲天亶照臨臣下者無所不周凡屬臣工幸得遭逢
聖主皆當竭盡忠誠力圖報效况督撫為

皇上特簡之大員信任專而委畀重一切興利除弊整
綱肅紀之事尤當不避嫌怨不憚勤勞不博長厚
虛聲不踵因循陋習事事凜遵

訓旨實力奉行庶幾民可以安吏可以察政可以舉教
可以興貪墨者知懲豪强者斂跡盜風止息

國賦阜盈文武協和兵民輯睦方無忝節制之重任

方無負

簡畀之殊恩今試問心自揣果能如此奉行盡善經理
咸宜乎夫督撫者羣吏之表也政治者斯民所觀
化也若大臣身任封疆不能使地方日有起色風
俗日見淳熙其何以膺節鉞而無愧乎故必行之
一年則有一年之成效行之數載又有數載之規
模而悠忽從事苟且自安皆當深戒也雖才具或
有短長智慮或有深淺而有志自勵者無不可學

習而至試觀今日督撫中如鄂爾泰田文鏡李衛等俱重荷

皇上之殊恩備極人臣之榮遇而要其所以上合天心者皆由於事事悉能仰遵

聖訓而又克盡其撫綏封疆之職其吏治民風實有可觀故能仰邀

恩眷至於如此古人云彼丈夫也我丈夫也豈可同為督撫不思效法而甘居此數人之後乎然所以致

此者非僅行一文張一示遂可為遵行不怠也亦
非舉一吏劾一官遂可為奉職無欺也即不然或
奉

皇上之諭旨勉行數事凜

皇上之天威矯飾一時皆不可為臣心已殫臣力已盡
也大凡人臣事

君不但當以身事更當以心事此心惟知有

君而不知有人此心惟知有

君而并不知有已斯可以身任封疆之重蓋心者身之
主此心既肯許

國自然公忠自矢至誠無欺不必有意迎合而辦理

之事協乎至當不易之理自能上契

能言及此卿心可見以之勸勉高其倬劉世明伊等能
聖心也臣材識庸愚何能宣布

從與否尚需觀其後效朕先慶得一堪為股肱之吏貽
聖訓於萬一然日侍

直矣勉之

禁廷歷有年所謹將

皇上平日之所以訓臣及臣平日之所以凜遵者轉相

誥誠務使其咸喻

聖心各知勸勉其餘一切應行教導之事尚容臣公餘

好竭

力言之無避煩瑣

之暇隨時隨事詳悉盡言臣觀督臣高其倬歷任

所論

是當之至

有年老成練達辦理海疆事務細密有方但其性情和緩靜鎮有餘而剛斷不足必須稍加振作以

濟柔和方為盡善撫臣劉世明雖係初任海疆而

感激

天恩志圖報效人亦明爽可以有為但歷事未久稍俟

朕亦

慈為期望於伊

熟習地方情形自能善其展布伊等跪聆

聖訓之下俱各感激歡忻共思益加勉勵仰報

聖恩除督撫兩臣各另摺恭謝

天恩外所有臣遵

旨教導過督撫二臣緣由理合覆

奏至於閩省大小員弁凡因公進見時臣俱留心察

看於宣揚

聖德之餘復又勵以官方并詢其土俗民情叩其治行

甚好

留心記來

以備狀之

願問可也

政事務

使咸勤職守

共效循良

再閩省

上年田禾

雖稍歉收

然僅止

福泉二府中

之數州縣晚禾微

欠雨澤早禾

原屬豐收

統計尚有

五六分收成其

餘俱各豐稔

今蒙

皇上大沛恩膏

蠲免歷年民欠

截留漕米

接濟近奉

恩旨又將臺灣之

未補倉粟

二十五萬餘石

槩行豁免

閩中米價

每石頓減

一錢有餘

兵民紳士皆感激

此亦

民情之所宜有

天恩歡呼

載道現在閩省

百姓比戶寧居

人咸樂業臣

觀此

情形朕懷深慰料卿必不忍欺誑也

目擊輿情鼓舞愛戴理合一并奏

聞謹

奏

遵旨教導之語朕嘉悅覽之聞此而不感奮振作者則誠為木石矣高其倬亦有覆奏摺來閱其情詞十分誠懇切似有動心光景但恐熟處難忘於汝回京復命後又仍循前轍也臨行時可再諄諄勸勉之

同日又

奏臣於到閩後准戶部咨開閩省雍正四年春秋二季冊報實存庫銀六十一萬四千兩零經臣部按冊奏撥該督撫屢請免解究無確數報部恐庫帑不無虛懸請將閩省庫貯錢糧一并交與侍郎史貽直徹底清查如有那移虧缺立即題叅著追果無虧那即行據實奏報等因奉

旨依議欽此移咨到臣臣遵奉

諭旨隨即檄提布政司一切卷宗簿冊詳細察核復又

親至藩庫徹底清查今臣查得雍正四年春秋二季冊報銀兩原係臣部撥令解京之項前署司陶範因該年兵餉緊急將季報實存銀兩那借二十五萬九百八十兩零墊給兵餉業經陞司沈廷正催完歸款理應將此六十一萬四千九百七兩零即行解部以清款項豈意陞司沈廷正與署司喬學尹復又遞相那用而原任巡撫毛文銓將前項歸款銀兩朦混造入雍正五年春秋季報實存銀

兩項內並不聲明某項即係雍正四年春秋二季
原撥未解之銀迨後接任巡撫常賚亦不詳細確
查遽行造入雍正六年春季冊內經臣部據冊動
撥內有撥解雍正五六兩年京餉及酌留閩省動
支并撥給雍正五六兩年兵餉等項共計銀二十
三萬九千九百八十一兩零臣細閱節年案卷逐
款詳查始知從前冊內造報雍正五年春秋二季
及六年春秋二季實存銀內即將雍正四年季報

原撥未解歸款之銀混行牽入今查款項并動用銀數俱屬相符以上二十三萬九千九百八十一兩零應請准其免解除現存庫銀一十六萬三千六百九十六兩零外尚應存庫銀二十一萬一千二百二十八兩零俱經陞司沈廷正及原署司喬學尹任內預給雍正五六兩年兵餉那用無存臣查此項銀兩係應行解部之項即稱暫時那借亦應詳明題請方可動用今並不具題又未報部擅

行那用迄今三年之久尚未歸還原款所有擅行
那移之前署司陶範陞司沈廷正接任署司喬學
尹及朦混造冊之原任巡撫毛文銓常賚不行確
查之總督高其倬容臣於疏內照例

題叅其現存庫銀一十六萬三千六百九十六兩零
現在檄飭具批解部至於未補銀二十一萬一千
二百二十八兩零臣已檄飭現任藩司趙國麟在
於雍正七年地丁項下勒限本年奏銷前解補完

足如逾限不完著落從前那用之員及徇庇之各
上司名下分賠再查藩庫現貯一切正雜錢糧臣
於盤庫之時一并逐細查核俱各清楚並無虧空
合并聲明謹

奏

察覈料理甚屬妥協詳明之至具題到日有旨

雍正七年二月初八日吏部左侍郎仍兼管戶部
侍郎事臣史貽直謹

奏臣於雍正六年十一月初七日途次接到戶部郎中安圖齋交和碩怡親王大學士公馬爾賽等字帖一封內開閩省修造戰船

上諭一道臣抵閩省後即遵奉

諭旨飭令督臣高其倬將閩省修造戰船因何遲延之

緣由具

奏請

旨并嗣後修造戰船務須照依定限作速告竣且須堅

固完好慎勿仍前怠玩因循等因移咨去後茲准
督臣高其倬咨覆前來據稱跪讀

聖諭不勝赧惶查閩省修造戰船因近日本省桅木難
覓并廣東之棧舵浙江之樟料皆買之隔省近亦
少產覓購稍難且需時日又承修之員屢易其人
遲延實由於此但戰船關係緊要臣不能如期料
理又不將遲延情由具奏罪實難逭仰蒙

皇上特命欽差大臣嚴加申飭跪聆之下感激涕零嗣

後凡有修造戰船必使如期竣工堅固完好不致遲緩倘再有誤臣一人願甘獨認重譴等因咨覆到臣准此謹將督臣高其倬祇遵欽奉及臣遵旨申飭過緣由理合覆

奏所有奉發提臣藍廷珍奏摺一件相應恭繳再審理喬學尹及禪濟布等案臣已一一會審完畢現在繕本具

題約計二月下旬即可竣事起身除各另摺奏

聞外合并聲明謹

奏

朕更有續交爾會同督撫察議之事二月內且毋起身
北上

侍郎臣史貽直總督臣高其倬巡撫臣劉世明學
士臣西柱謹

奏臣等審得原任福建巡撫朱綱題叅原任福建革
職按察使喬學尹一案臣等檄行按察使查取喬

學尹任內凡故縱開脫及辦理錯誤各案令一一查出詳報茲據現任福建按察使潘體豐造冊呈送卷宗前來共計十二案臣等逐案查審將其中喬學尹扶同毛文銓之處及喬學尹於各案內或有意開脫或故為縱盜或減重為輕或增輕為重等情節一一究訊喬學尹惟有俯首認罪自愧不能秉公執法詳慎用刑深負

聖恩悔莫能及再查喬學尹署內潘姓幕賓與外面勾

通作弊一事訊據喬學尹供稱實無其人不該隱諱再四窮詰矢口不移臣等查前撫朱綱疏內亦稱原係訪聞未有確據今現據福州府縣報稱逐戶挨查並無其人出具印結申送在案應請毋庸深究臣等查喬學尹任內各案除丁長枝一案審係喬學尹錯擬從重外其餘悉係喬學尹故出之案查律載官司故出人罪若因未決放者減一等杖一百僉妻流三千里喬學尹應照律杖一百僉

妻流三千里再查冊開十二案內除彭瑞仁許萬
崑吳勝龍陳仲能廖細妹丁長枝張向余由賽舉
九案已奉

旨結案外其吳徐張正吳祖三案尚未審結今臣等已
會訊明確應仍歸入各本案內逐案另疏具

題完結合併聲明謹

奏

喬學尹甚屬可惡題到之日另有諭旨

同日又

奏竊原任巡臺御史禪濟布摺叅臺灣縣革職知縣
周鍾瑄并與原任巡臺御史景考祥互揭一案臣
等逐一秉公察審俱各取有確供查周鍾瑄額徵
正穀外違例加派耗銀六千七百五十兩除餽送
銀兩舉放錢債輕罪不議外合依官吏非奉上司
明文因公科斂所屬財物入己者計贓以枉法論
八十兩絞律應擬絞監候禪濟布係蒙

皇上特差巡臺御史不能潔已率屬收受屬員衙役餽
送又給發本錢縱容書役張浩等於所部內典當
財物違禁六分取利且諸事任性行止卑污實屬
有玷官箴應請

敕部嚴加議處景考祥叅劾禪濟布之處雖審明並無
挾怨情弊但身為御史奉

命巡視臺灣乃袒庇年姪陳朝榮帶令冒籍亦屬不合
相應一并交部嚴加議處知府范廷謀於搜查周

鍾瑄資財時雖審無徇私情弊但周鍾瑄係范廷
謀本管屬員違例加徵耗穀並不查察揭叅實難
辭咎應與從前徇庇不行揭報之各上司於

題本內逐一查明列叅至於案犯繁多其應行究擬
之處及周鍾瑄禪濟布各名下應行入官銀錢物
件統容臣等於

題本內按律擬罪照追入官謹將審訊過各案大畧
情由繕摺先行奏

聞謹

奏

覽所審理究擬之處甚屬公當詳明具題到日有旨

雍正七年三月十二日吏部左侍郎仍兼戶部侍

郎事臣史貽直謹

奏為奏明事雍正七年三月初十日臣行至江南常州府地方接到吏部咨文一角內開欽奉

諭旨著臣會同高其倬劉世明將福建知府以下知縣

以上各員優劣詳加甄別造冊具奏等因到臣臣
於上年十二月二十六日抵閩所有奉

命查審各案臣晝夜辦理業經逐案審明已於本年二
月十三日事竣由閩起身回京復

命今途次接准部咨蒙

皇上命臣會同督撫二臣將福建知府以下知縣以上
各員優劣詳加甄別造冊具

奏所有臣審過禪濟布揭叅周鍾瑄一案喬學尹一

案清查閩省庫貯錢糧一案俱各繕本分案具

題又提臣藍廷珍摺奏監生陳華嶽侵占廟地一案

另繕摺具

奏俱一面交與臣部主事朱叔權先行齎領進京恭

呈

御覽臣一面仍由江南常州府星馳赴閩遵

旨會同督臣撫臣甄別各員除俟核定優劣造冊具

奏外所有臣再行赴閩緣由理合奏

聞謹

奏

朕未料爾辦理如是爽速也今既途次接奉諭旨復回
閩省深愜朕懷

雍正七年四月十二日吏部左侍郎仍兼管戶部
侍郎事臣史貽直謹

奏臣於本年三月初十日行次江南常州府地方接
准部文奉

旨命臣會同福建督臣高其倬撫臣劉世明甄別閩省知府以下知縣以上各員優劣造冊具

奏臣遵即於常州府起身回閩四月初二日行至建寧府屬之葉坊驛接到兵部遞送

內廷交出奏匣一箇蒙

皇上批發原任南平縣革職知縣梅廷謨奏摺一件臣於四月初七日抵福建省城即會同督撫臣嚴加查審俟審明後於臣回京時齎摺面

奏至於甄別各員一事臣一入閩省即行文知府以下知縣以上各員令其赴省會同驗看詳加甄別今陸續到省者已多臣隨即會同驗看畢即令各員回署辦理勿令片刻稽遲致使遠離職守是以行之甚速約於五月初旬即可事竣起身進京復命謹將臣到閩緣由先行繕摺奏

聞謹

奏

朕已降旨命爾署理福建總督印務矣爾其勉力為之所交各事件應題者具疏應摺奏者具摺奏聞

原任福建延平府南平縣革職知縣臣梅廷謨
謹

奏為奏

聞事竊閩省倉庫虧空累累荷蒙

皇上欽差大臣前往徹底清查據實叅追原撫臣楊

文乾以福州府侯官縣印務委臣署理臣將前

任已故知縣王夢賢之子王溥仁移交歷年盤冊細加磨對見其種種牽混茫無頭緒其流水日報拆封紅簿皆那張脫頁印信參差臣悉照正收正支分年歸款縷晰查核所有虧空那移皆據實通詳揭報經司府審擬

欽差會勘已據王溥仁直認不諱各年庫吏供招確鑿具

題在案今王溥仁竟敢經年不補分釐儼同無事

臣曾密訪王夢賢虧空之由錢糧皆伊子王溥
仁收掌其素性嗜賭日與幕客曉夜呼盧揮金
不惜迨父病故將已徵在庫之銀及伊父所遺
之貲劫藏萬金分寄於省城洋貨店永成號楊
監生家又恐盤查敗露商同幕友王能之將歷
年流水簿冊那改錯亂捏造民欠冊四百六十
三本皆無印信可憑朦混造交臣身任盤查惟
知凜遵

諭旨徹底清查不敢徇情容隱乃王溥仁虧那案成
已經一載突於雍正六年八月間聞知廣東撫
臣楊文乾已故兼閩撫臣常賚布政司臣沈廷
正各陞調去任忽構狡詞混呈各衙門謂臣刻
薄駕害是不過惡臣不為容隱而思傾陷以遂
其報復之私但臣當日揭報皆據王溥仁交冊
查核如有不實當府司歷審

欽差會勘王溥仁何難辯白究其心跡顯係以原日

審擬各員今俱去任妄圖翻案得以享其藏積
臣思錢糧絲毫皆關

國帑一經發覺自應完補且胥役侵蝕盈萬其本
犯不能完補者例於各任失察官名下追賠查
王夢賢在任最久姦胥之弊最多其所侵蝕力
不能清完者皆責於王溥仁名下是彼代父彌
補之項不僅虧空一著倘不行嚴比查追竊恐
貪徒志遂相率成風反噬計行效尤益衆是清

查竟為無益錢糧終屬虛懸臣不敢避嫌懼怨
冒懇

皇上嚴飭查追庶侵虧不完之員皆知所儆惕矣謹
據實奏

聞

朕觀梅廷謨人甚明白才具亦好諒伊所奏必皆真實
不虛汝會同該督撫將此案嚴加察審莫令姦人得以
漏網汝若起程離閩已遠則將朕批此摺轉交劉世明

令其查究如雖經起程離閩尚近則仍回福州將此一事審理清楚然後再來覆旨

雍正七年四月二十九日侍郎臣史貽直總督臣高其倬巡撫臣劉世明謹

奏為遵

旨察審事本年四月初二日臣貽直於建寧府屬之葉坊驛接到兵部遞送

內廷交出奏匣一箇內原任福建南平縣革職知縣

梅廷謨奏摺一件奉有

硃批臣貽直到閩後即會同督臣高其倬撫臣劉世明

嚴加察審今臣等審查得據梅廷謨奏稱王溥仁

將伊父已徵在庫之銀及伊父所遺之貲劫藏萬

金分寄於省城洋貨店永成號楊監生家等語臣

等即拘提王溥仁楊監生及幕客王能之到案嚴

加審訊據監生楊璉供稱並不曾替王溥仁寄頓

銀兩據王溥仁供稱亦並沒有銀子寄放在楊監

生家刑訊之下堅供不易臣等目擊情形事屬子虛但恐尚有遁情復又密行察訪知梅廷謨所奏實係風影之詞毫無實據即查梅廷謨奏摺內亦稱事由訪聞原無確實其為妄

奏更屬顯然臣等謹據實陳

奏伏乞

聖明慈鑒但事關奉

旨查審所有王溥仁楊璉二犯臣等現發侯官縣羈禁

候

旨定奪再查梅廷謨奏稱王溥仁於雍正六年八月間

聞廣東撫

臣

楊文乾已故兼聞撫

臣

常賚藩司沈

廷正各陞調去任忽構狡詞混呈各衙門謂臣刻

薄駕害思傾陷以遂報復之私等語臣等復又審

訊王溥仁據供上年八月內在巡撫朱綱布政司

趙國麟兩處衙門曾具呈辯白此外並未再到別

衙門控告等語但查此事經

欽差楊文乾會同審訊業經具

題從前王溥仁已供認不諱又何得復行控告明係
冀圖翻案臣等詰訊之下王溥仁亦俯首無詞再
查侯官縣胥役蒲華等侵蝕各年錢糧共一萬三
千六百一十二兩零現在各胥役名下勒限嚴追
俟限滿無完另案具

題請

旨其幕友王能之審無捏造民欠冊籍以及與王溥仁

呼盧等事業已先行摘釋至於王夢賢任內所虧銀兩米穀俱著落伊子王溥仁名下家產追賠現在勒限嚴比如有不能完補著落徇隱之各上司名下分賠應於原叅虧空案內具

題完結謹將審過情節據實奏

聞臣等未敢擅便伏候

敕旨所有奉

發硃批梅廷謨奏摺一件理合恭繳謹

奏

覽奏已洞悉情節矣審理明晰甚為可嘉梅廷謨所奏既屬子虛豈可枉屈平人照所奏辦理可也

雍正七年五月二十一日吏部左侍郎仍兼管戶

部侍郎事

臣史貽直謹

奏恭請

皇上萬安

朕躬甚安朕向不耐熱往年每至夏令輒覺不爽今歲

都中炎暑為日甚久總無些微煩苦而且精神起居更覺增健此皆仰賴

上天垂慈並

皇考神靈護佑所致特諭知之以釋汝之遠念

同日又

奏臣於本年四月初七日復抵閩省遵

旨會同督撫二臣甄別福建知府以下知縣以上各員
優劣并續奉到

硃批原任福建南平縣革職知縣梅廷謨摺奏王溥仁
寄頓貲財一案會同督撫嚴加察審於四月二十
九日事竣由閩起身於五月十四日行次浙江杭
州府地方接吏部咨文內開奉

上諭福建總督高其倬著進京

陞見福建總督印務

命臣署理欽此臣一面將臣會同督撫甄別過各員優
劣

題本一件及會同察審過王溥仁寄頓貲財一案另繕奏摺俱敬謹封固交臣家人恭齎入京進呈

御覽臣一面從杭州府起身復回閩省伏念臣一介庸愚才識短淺頻年以來日侍

禁廷荷蒙

聖恩高厚訓誨時加俾得稍有知識茲蒙

皇上特恩命臣署理福建總督印務海疆要地責任非輕臣何人斯膺此重寄聞

命之下悚惕靡寧惟有益加勉勵正已率屬竭盡丹誠
以仰報

聖主隆恩於萬一耳除臣任事日期容臣到閩後遵例
具

題并另疏恭謝

天恩外所有臣復起身回閩緣由理合先行奏
聞謹

奏

朕之用人行政汝所深知惟期毋辭勞瘁以副委任而已此外無可更諭也勉之

雍正七年閏七月二十四日署理福建總督印務
吏部左侍郎臣史貽直謹

奏為奏

聞事竊查福建九府一州晚禾在在布插田水俱足惟
閩縣侯官福清惠安四縣雨水缺少今正在望雨
甚亟之時據各縣報稱於閏七月初十十一十三

十五十六等日俱得有透雨四野霑足現在田禾
秀茂倍常其餘各府縣於數日內報稱得雨者亦
多田禾俱各暢茂行見豐收可望再查通省米價
省城及汀州府每石一兩一錢興化建寧二府每
石九錢泉州府每石八錢一分漳州府每石一兩
零五分延平府每石一兩一錢二分邵武府福寧
州每石一兩一錢五分臺灣府每石九錢四分臣
又訪聞向來省城內每遇鄉試之年各府士子雲

集米價昂貴惟今歲米價照常甚平總因早稻豐收民間家給人足之故實屬昇平景象理合一并

奏

聞謹

奏

覽奏得雨及米價情形朕懷深慰汝今署理閩督若能堅持初志不稍遷移朕可保休徵堪致有感必應也

同日又

奏為奏

聞事雍正七年閏七月十七日臣接臺灣巡察御史赫

碩色夏之芳手札云今歲春夏臺地雨暘時若惟
七月中旬望雨孔亟二十五六七等日甘雨大霑
沾足及時惟二十六日夜大雨之中颶風兼作來
自昏黑猝不及防商哨等船多吹送沙灘岸上溺
沒者亦有積年頽敝之瓦厝草房亦有倒塌查各
處田禾俱云早禾已割晚禾纔經插蒔正在趁水

栽種甘雨及時風過之後地方安靜人情帖然至

房舍船隻仍飭文武衙門清查確報等語續據臺

灣道府廳縣報稱臺地於七月二十六日夜颶風

大作雨勢甚暴海水漲溢數尺二十七日卯時稍

息查田禾得雨甚為茂秀並無損傷惟大小商哨

船隻居民營房木城鹽倉亦有損壞漂失并淹死

哨丁民人商漁水手等現在確查另報又據臺協

水師副將稟報七月二十六日酉刻大雨颶風查

有擊碎哨商船隻并吹倒民居營房衙署房屋潮
水驟長數尺軍工廠中桅木板料漂失澳中交廠
變價船擊碎三隻破壞五隻三營戰船亦有漂失
楨棋或擊傷船舫水底俱堪修理現在修整以備
哨防惟定字十四號船被風擊碎淹死兵丁五名
澄字八號十六號船防守鹿耳門被風擊碎淹死
兵丁尚未查明容俟另報并據臺郡總兵澎湖水
師副將各稟報到臣臣隨飛差臣標把總前往臺

灣確查田禾民居船隻及淹沒兵民實數并加意
安撫設法賑卹俟查明到日另疏具
題外所有臺灣得雨被風情節合先奏

聞謹

奏

查明傷損加意撫恤之候朕另為斟酌更降諭旨

同日又

奏為敬陳慎選叅遊都守之員以收得人之效事臣

查福建一省自督撫將軍以及提鎮共統轄七十營計叅將遊擊都司守備等官共一百二十餘員凡有沿海地方缺出例應總督衙門揀選人員

題補是為督臣者必須察知該員平日之操守若何政績若何孰宜於陸路孰宜於水師瞭然於胸臆如指掌然後一遇缺出即可擇其人地相宜之員題請補授庶於地方有益臣蒙

皇上天恩畀署督篆以來凡近省武職各官每於因公

進見時臣俱留心察驗其餘遠駐各營之叅遊都
守等官臣到任未久多有未經謀面者臣俱斟酌
道里之遠近現在陸續輪流調驗惟臺灣一府遠
隔重洋各營武職未便照內地之員輪流調驗臣
細細留心察訪自可悉其優劣但全省之幅員甚
廣臣一時之耳目難周若不體察明確一遇缺出
即冒昧

題補倘該員不宜於陞調之缺必致貽誤地方臣不

揣愚昧懇求

皇上天恩准臣自閏七月初六日接印之後此數月內

遇有應臣

題補缺出容臣咨商水陸提臣令提臣於營員內揀

選合例之員咨送到臣復親加驗看如果人材

壯健弓馬熟嫻習知水性者臣即具

題請

旨俟臣將各員輪流調看完畢此後遇有缺出臣即可

揀選熟悉之員

題請補授如此不特臣心得以少安地方亦收得人
之效矣臣為慎重海疆起見謹繕摺

奏明仰祈

睿鑒謹

奏

此奏是交部議覆有旨

同日又

奏為奏

聞事本年閏七月十二日據閩海關監督準泰呈稱為
照營哨船隻向來每多包攬客貨侵蝕錢糧本關
聞此積弊於到任後即經恭錄

敕書通飭在案詎金字十六號哨船經由法石口不服
查驗在臭塗地方阻撓巡哨隨即備咨水師提督
暨金門鎮查覆去後不謂該營目兵仍然於廈門
洋船回港之時縱放小船搬運偷漏將海關巡哨

之船連人攔截回營橫毆放走偷漏在前之四槳
船故意鈎住在後之開哨船此中情由大不可問
該營雖將人船兩次送還稅館亦竟置之不問將
來營兵遇哨行兇勢必畏縮不前無人巡查任其
恣意橫行包攬侵蝕

國課何以充額等因咨呈到臣臣思營兵之設原以
巡防汛口稽察姦宄似此包攬客貨侵蝕課銀種
種積弊豈可不亟行禁革況閩差在閩勢力甚孤

若非督撫大臣彼此協助未免諸事呼應不靈所以臣接到該關咨呈即刻移咨水師提鎮并嚴飭該營將備務必究明該營哨兵有無通同偷漏情弊以憑按法重處臣復又多發告示飭令張掛各汛口稅館地方嚴禁營兵不許包攬客貨臣仍不時稽查務令積弊盡除

國課充裕臣謹繕摺奏

聞謹

奏

可嘉之至大凡國家事體皆當不分彼此一秉至公方無忝封疆大臣之任也

雍正七年八月初二日署理福建總督印務吏部

左侍郎臣史貽直謹

奏為敬陳酌通福興泉漳四府之積穀以免浥耗以實倉儲事臣自署理督篆以來無時不以倉儲民食為念因查福建全省地勢為東南最下之區內

惟延建邵汀四府及福寧一州地處上游在省屬
為畧高之所若福興泉漳四府更居卑下每歲濕
熱薰蒸倉穀易於霉壞從前原有存七糶三之例
祇因福建濱海之地惟臺灣一府與延建邵汀四
府福寧一州均係產米之鄉其福興二府產米不
多泉漳二府產米更少是以福興泉漳四府及府
屬各廳縣將倉穀糶出甚易買補最難而定例內
凡前任官折價存庫者又不許新任官接受交代

典守各員畏懼因循不敢輕言糶易竊恐積貯年

深倉穀必多紅朽若不及早設法圖維將來即將

典守各員叅處追賠究於倉儲無補臣謹詳細籌

畫得一變通之法查福興泉漳四府之倉及府屬

廳縣各倉共額貯穀九十五萬五千五百餘石每

年臺灣例應碾運米五萬石赴泉漳平糶又應碾

運兵眷米一萬二千餘石又應碾運廈門提標金

門鎮標兵米二萬一千餘石合計應運米八萬三

千餘石若令臺灣停其碾米照一米二穀竟將穀
十六萬六千餘石運至廈門令福興泉漳四府及
府屬各廳縣按其積穀之多寡派令分運各倉即
將府廳縣各倉內現貯舊穀照數碾米以為平糶
及碾運兵眷廈門提標金門鎮標兵米之需似此
出陳易新陸續轉換旋易旋補舊穀既免積久陳
朽之虞倉儲亦無懸久不補之弊輪至六年之內
即可盡易新穀存倉嗣後歲歲遵照更易誠為經

久可行之計矣至於臺灣改米為穀運脚自當倍
增福興泉漳四府及各廳縣由廈門運穀入倉不
無運脚等費臣又從長籌畫查福興泉漳四府及
所屬之穀雖照時價酌減平糶臺灣之米價賤而
內地之米價昂除解還臺灣米價外此中尚有盈
餘即以此盈餘之價為加添脚價之需足敷各項
之用合併聲明如蒙

俞允容臣另疏具

題伏乞

睿鑒施行謹

奏

出陳易新轉移得法足見籌畫精詳應如是辦理者

雍正七年八月二十七日署理福建總督印務吏

部左侍郎臣史貽直謹

奏為奏

聞事竊照臺灣地方於七月二十六日因雨驟風狂擊

碎商哨船隻淹溺兵丁吹壞瓦草兵民房屋臣據
報即專差標員前往確查并飛檄臺灣鎮道文武
各員將損壞船隻兵民等逐細查明具報隨經繕
摺奏

聞續據文武各員將七月二十六日被風情形逐一細
查呈報前來又於八月十七日據澎湖副將報稱
七月二十六日澎湖雖有風雨卑職兩營哨船俱
各平安房屋無損今於閏七月二十三日東南風

發三更忽轉颶風驟雨人力難施本營寧字四號
十五號戰船二隻衝礁擊碎片板無存淹故兵丁
十名沉失軍械等項兵民房屋商船多有損壞飄
失查明另報并據臺灣鎮臣報同前由各等因到
臣臣查臺澎先後被風兵民遭溺情殊堪憫且損
壞房屋頗多誠恐沿海兵民一時無力起蓋不得
不亟為籌畫安全臣仰體

皇上愛養兵民至意即於

恩賞臣養廉銀內捐銀一千兩遣員齎銀前往并飛檄

臺澎文武各員將溺故兵民及商船戶水手人等
格外厚加賑卹吹壞之民房分別有力無力之家
逐戶給銀修整務使各安寧宇至於吹倒之營房
塘汎關係更屬緊要尤須速行修葺臣查臺灣耗
羨銀兩除酌派各官養廉外尚有存公銀六百餘
兩原屬備貯公用之項臣一面飛飭地方官動支
會同營員先行勘估修葺如有不敷再行詳請撥

給現在兵民俱各得所除報損戰船軍械等實在
飄失若干容臣造具確冊另疏

題請動項興修外所有據報臺澎兩次被風情節及
臣捐銀賑卹并動用公項飭修營房各緣由理合
繕摺奏

聞謹

奏

被災兵民亟應加意撫恤捐賑之銀為數似少如不敷

散給可於準泰關稅盈餘內動用一面奏聞可也

雍正七年九月十九日署理福建總督印務吏部

左侍郎臣史貽直福建巡撫臣劉世明謹

奏為覆奏事本年九月十二日臣史貽直准兵部遞
到欽奉

恩賞奏匣一個內大學士公馬爾賽等字帖一封內開
雍正七年八月十二日奉

上諭聞得江南福建廣東及浙江杭嘉湖三府有匪類

結黨潛謀為匪其為首者係江寧人各處用銀結納等語外間既有此言不得不一為留意爾等可密寄信與史貽直劉世明令其密密留心整飭營伍預為防範但不可驚惶聲張使屬員弁兵等知覺緣由倘致洩漏於事無益徒滋驚擾若江浙有文知會時或有查拏同黨之人即便作速嚴密緝拏勿令一人免脫欽此遵

旨寄信前來總督巡撫可遵照密行辦理可也等因到

臣臣
隨即密交與撫臣劉世明公同閱看臣等欽
遵

諭旨俱各密密留心嚴飭將弁整頓營伍操練兵丁預
為防範並不聲張亦不令屬員弁兵等知覺查今
歲閩省各府雨水勻足秋收在即到處大有興歌
現在紳士兵民俱各懽欣鼓舞共樂昇平然臣等
受

恩深重斷不敢因年歲豐稔地方寧靜遂萌怠忽之心

一切海疆事務臣等俱各密密盡心辦理倍加防範以期仰副

聖懷如江浙有文移知會查拏匪類同黨之人自當密速緝拏不令兔脫所有臣等奉到

諭旨緣由理合繕摺奏

聞謹

奏

據奏密加防範甚好事係風聞似屬子虛但汝等封疆

大臣於此種匪類當時刻以察訪剷除為務毋避多事之嫌俾致養姦遺患此輩之害較盜賊為甚而蹤跡又詭祕無憑察訪尤難非公忠自矢實心任事之賢大臣率多膜外視之不但不能行及並亦念不及此也所以呂留良曾靜輩肆行無忌至數十年之久竟無一人察究不以為戒可乎

同日又

奏為遵

旨酌議事本年九月初七日臣劉世明差員齎摺回閩
欽奉到具奏雅片煙一摺蒙

硃批李治國於此一事雖欠明察然乃過於從事之咎
情理尚在可原不就此案叅處甚是若果才具平常
不勝要任則當與史貽直商酌或調任事簡之缺或
題請以部曹補用可也欽此欽遵臣劉世明敬錄
諭旨移到臣史貽直公同商酌臣等查得漳州一府
民刁俗悍地方遼濶為閩省內地中最要之郡知

府一官非精明強幹之員不足以資彈壓現任漳州府知府李治國居官尚屬醇謹而才非肆應實難勝此要任查有奉

旨補授延平府知府之郭朝鼎才具優長辦事明敏洵稱幹員延平一府事簡民淳較之漳州一府實為易治之區若將郭朝鼎調補漳州府知府則繁劇之地益足以展其所長即以李治國調補延平府知府該員老成謹飭處此事簡之府尚堪表率屬

員倘蒙

聖恩俞允准其調補則兩郡均收得人之效矣再查李
治國係調簡之員例應給咨送部引

見俟郭朝鼎到漳州府任後與李治國交代清楚給咨
送部引

見合併聲明臣等謹遵

旨酌議合詞繕摺具

奏伏乞

皇上睿鑒批示遵行謹

奏

照所請行李治國不必送部引見該部知道

署理福建總督印務吏部左侍郎臣史貽直謹

奏為請

旨事竊照閩省山海交錯分設水陸營制水師有戰船
出洋巡哨之責非熟諳水務人員不克勝任是以
副參遊守以及千把大半係閩省人員若陸路既

非水師可比副叅遊守等官必擇人材弓馬均有
可觀能整飭營務又非本省籍貫者方與地方營
伍兩有裨益我

皇上明並日月洞悉情形是以

簡用陸路之副叅遊守現在各員多係別省籍貫之人
但內中惟守備一缺較副叅遊各缺為獨多每遇
缺出例應於千總內揀選別省籍貫之員

題補臣查千總等官多係閩省本籍之人是以每遇

守備缺出往往乏員補用臣署理督篆以來出有
守備數缺業將奉

旨命往以守備補用人員內揀選

題請補授但

命往人員僅有數員而守備不時缺出實屬不敷選用
仰懇

皇上天恩於別省送部年滿千總內

簡發十員或十五員來閩遇有守備缺出即可

題請補用庶營伍不致缺人而於嚴疆大有裨益矣

臣謹繕摺請

旨伏乞

皇上睿鑒施行謹

奏

所請是交部議覆檢選發往

同日又

奏為奏

聞事竊照臺灣各營換班兵丁例應派撥內地千把總

一員管押過臺仍令該弁將赴臺之兵丁送至各
營收伍即將各營期滿之兵丁帶回內地此向來
之舊例也臣訪得從前管押兵丁過臺之弁員如
送至南北兩路及淡水各營俱有數百餘里之遠
中間經由番社地方往往役使番民勒供酒食柴
草牛車稍不如意即將番民凌辱甚為滋擾臺灣
鎮臣因該員係內地營弁非其統屬不便嚴加約

東以致番社每受擾累臣思戍臺兵丁每歲陸續
換班絡繹不絕似此頻頻苛索番民何以堪此臣
聞知既確何敢不亟除此弊隨即移咨水陸提臣
并通飭內地臺地各鎮協營一體遵照嗣後凡有
換班兵丁止令管押之該弁送至臺郡將兵丁花
名冊呈送臺鎮衙門查驗明白即令鎮臣於伊本
標內另委妥員轉押兵丁送至南北兩路及淡水
各營入伍隨將各營應換回內地之班兵造具清

冊交原押之該弁帶領回營如此庶轉押之員悉屬鎮標管轄之弁鎮臣即可就近嚴加約束自不敢仍前擾累番民原押之弁員止令在臺守候管領換班兵丁不令前往番社則無從滋事而番民之感沐

皇仁益無涯矣再查澎湖換班兵丁雖係臺鎮所屬但與臺灣尚隔一洋毋容遠送臺鎮應令送至澎湖副將衙門交收入伍合併聲明謹

奏

番民得免擾累自然久遠相安料理可嘉之至

雍正七年十月二十一日署理福建總督印務吏

部左侍郎臣史貽直福建巡撫臣劉世明謹

奏為要地亟需能員仰懇

聖恩俯准借補以收得人之效事竊照福建泉州府屬之晉江縣為郡城首邑兵民雜處事務殷繁非精明強幹才具優長之員不克勝任現任晉江縣知

縣王時翔雖遇事不憚勞苦而才非肆應每多遲鈍然該員居官勤慎潔已有餘倘調於事簡之地循分供職猶不失為良吏若令處此繁難之邑則才不稱職臣等查現任知縣內幹員固不乏人但其所處地方悉屬緊要未便調補至於

命往閩省試用人員內現在或令學習辦事或令委署試用又未便遽以劇邑委令署理再四籌度難得其人適有奉

旨命往閩省以同知補用之候補同知王之琦到省臣
等於該員進見時詳細詢問見其言論明白練達
老成且查其從前曾任霸州通州悉係

畿輔要地似屬才能幹練之員仰懇

聖恩將王之琦以同知職銜管理晉江縣知縣事倘該
員任事之後果能整頓地方著有成效或二年或
三年俟本省再有賢員可以接辦晉江縣事即將
王之琦以知府

題請陞補以示鼓勵倘蒙

聖恩俞允所遺王時翔一員臣等查有泉州府屬之永春縣尚未補人該縣係事簡之缺請將王時翔就近調補永春如此則一轉移間而地方既收得人
之效中材亦免隕越之虞矣臣等謹合詞具摺請
旨伏乞

皇上批示遵行謹

奏

候交部議覆有旨

署理福建總督印務吏部左侍郎臣史貽直謹

奏為叅員罪有可原仰懇

聖恩寬宥以勵人材事竊照原任臺灣南路營叅將林子龍於雍正五年軍政時因原任臺灣鎮臣陳倫炯以該員招會婪贓縱兵聚賭廢弛營伍等款揭報經督臣高其倬據揭

題叅奉

旨提審在案今據府司審解到臣臣復逐款詳加審訊
除縱兵聚賭廢弛營伍二款毫無憑據均係陳倫
炯妄揭外惟招會婪贓一款訊明因林子龍奉文
調考軍政時有臺灣義民功加陳慶傳見子龍缺
乏盤費邀同曾士高等一十四人共湊銀二十兩
公送盤費於雍正五年七月初二日交送子龍署
中至七月初四日子龍始令陳慶傳散還後經曾
士高等復又送入子龍始終不受歷審並非婪贓

亦無入已但不合遲留兩日始行發還不無先侵
後吐情弊令將林子龍照例擬杖折贖臣另疏具
題在案但臣細查林子龍從前效力戎行頗著勞績
臣於提審之時親見該員人材壯健應對明白且
所揭各款似屬冤抑臣日侍

禁廷仰見我

皇上愛惜人材凡遇臣工有寸長足錄無不隨材器使
是以人材之盛蔚然可觀今林子龍一員臣見其

人尚屬可用若遽令罷斥甚為可惜臣因人材起見不敢不據實

奏請倘蒙

聖恩俯念該員罪有可原

赦其小過予以自新俾令來京引

見可否委用出自

天恩非臣所敢擅便為此繕摺請

旨謹

奏

據奏林子龍罪有可原人材尚屬堪用朕嘉是覽之已
有旨諭部矣

同日又

奏為奏

聞事竊查閩省晚禾向例每於十月內

奏報收成分數但今歲夏間欽奉

上諭嗣後可細加分別一府之中如九分者居十之幾

八分者居十之幾照此類推據實奏報欽此欽遵今
閩省晚禾現在結實成熟豐稔倍常雖將次登場
但未經普遍收穫臣不敢以約畧分數冒昧奏
聞俟收割完畢查明實在收成確數另摺具

奏謹將豐熟情形先行繕摺奏

聞再查閩省現在米價前因早禾豐收市價頓減目下
晚禾漸次可以收穫時價較前更平省屬兵民在
在安居樂業合併奏

聞謹

奏

據奏晚禾豐熟及米價平減情形朕懷深慰以手加額
覽焉

雍正七年十一月十二日署理福建總督印務吏
部左侍郎臣史貽直福建巡撫臣劉世明謹

奏為奏

聞事竊臣接准內閣字知雍正七年六月初六日奉

上諭向來各省督撫奏報年歲收成皆云幾分至幾分不等似此未曾分晰清楚未免朦混嗣後可細加分別一府之中如九分者居十之幾八分者居十之幾照此類推據實奏報則朕可以詳悉收成之分數爾等可密寄信與各省督撫知之欽此遵

旨寄信到臣隨檄行布政司遵照在案目今晚稻收成已屆據布政司潘體豐詳稱查得福州府屬收成十分者居十之三九分者居十之四八分七分

者居十之三興化府屬收成均係八分泉州府屬
收成十分者居十之一九分者居十之二八分者
居十之二七分者居十之五漳州府屬收成十分
者居十之一九分八分七分者各居十之三延平
府屬收成十分者居十之三九分者居十之三八
分者居十之四建寧府屬收成十分者居十之四
九分者居十之三八分者居十之二七分者居十
之一邵武府屬收成十分者居十之二八分者居

十之八汀州府屬收成九分者居十之二八分者
居十之三七分者居十之五臺灣府屬收成九分
者居十之五八分者居十之五福寧州及所屬收
成九分者居十之三八分者居十之五七分者居
十之二各處米價平減軍民稱慶臣謹會同撫臣
劉世明合詞繕摺奏

聞謹

奏

覽奏曷勝欣悅此皆卿等忠誠感召所致史貽直能如是立心經理閩疆自蒙

上天錫佑此理顯而易見無足異者其奈庸流多自覆蔽而不能確信耳

署理福建總督印務吏部左侍郎臣史貽直謹
奏為奏

聞事竊照福建廈門地方鎖鑰全臺為閩海出入必由之要路而提督一官統轄水師二十五營控制閩

省最要之形勢所繫非輕臣近訪聞得水師提臣
藍廷珍患病沉重復據興泉道劉而位密稟前來
與臣訪聞相同臣思海疆關係重大無論藍廷珍
猝有不虞固需大員急往署理即或尚無他慮而
現在病劇之時若無大員協辦亦恐諸事叢脞臣
查通省水師各鎮內惟南澳鎮臣許良彬熟悉彼
地情形堪以代理臣隨即飛調該鎮令其星夜前
往廈門看視提臣病證即令駐劄廈門以資彈壓

如藍廷珍病證無恙目下暫同協理俟病體少愈
令其仍回南澳設有不測提督印務一面即委許
良彬先行署理一面

奏明候

旨定奪臣因廈門地方緊要不敢不預為籌畫所有提
臣藍廷珍患病臣令鎮臣許良彬前往協理緣由
理合繕摺奏

聞謹

奏

已有旨諭部矣許良彬協理之妄深與朕意相合

同日又

奏為奏

聞事竊照閩省三江口地方奉

旨建立旗營安設水師官兵於雍正六年十二月督臣

高其倬委員監造營房船隻臣奉

命署理總督印務以後屢檄飛催承造各員趕工完竣

所有戰船已經配兵完工經臣

題報在案茲於十月半後據委官稟報營房將次完工臣於十月二十二日會同將軍臣阿爾賽親至三江口安設官兵并閱看旗丁水師操演各兵技藝雖未純熟然再加練習必成勁旅臣伏覩三江口地方外為閩安水師協營係省城海口咽喉今內復設立水師旗營嚴密鞏固誠為萬世之利我皇上睿慮周詳以閩省旗丁不可不熟習水務設官駐

兵實為海疆永賴臣躬閱之下益徵

聖明無微不至所有營房完畢官兵安設臣會同將軍

臣阿爾賽閱看情節謹繕摺奏

聞謹

奏

覽奏已悉朕亦謂此舉洵有益也

同日又

奏為奏明事本年十月二十三日准兵部咨議覆臣

奏請輪流調驗叅遊都守等官一摺奉

旨閩省所有應題武職各缺著史貽直揀選人員委署俟高其倬回任之日再行酌量題補欽此咨會到臣臣隨即欽遵

諭旨通行水陸提鎮嗣後凡有應

題武職缺出臣俱揀選人員委署俟督臣高其倬回任酌量

題補外但臣自署事以來

題請陞補武職已有一十五員因彼時尚未奉到

諭旨凡有武職缺出部咨內俱行令臣會同提臣

題補唯恐海疆要缺不便久懸是以臣咨商水陸提

臣揀選合例人員送臣親加驗看之後即循例具

題在案今臣既准到部咨自當欽遵

諭旨奉行所有臣從前具

題各案俱係未奉

諭旨以前辦理之事理合繕摺

奏明謹

奏

前因卿具摺奏請到任未久叅遊都守等官察訪未周
海疆緊要又不便懸缺以待欲咨商水陸提臣檢選題
補所以朕有此諭至從前題補各員已俱照所請允准
矣隨後復有命卿將深知灼見之員仍行題補之旨諒
已到閩如經接閱其酌量行之石雲倬之所咨送尚可
見信於朕若藍廷珍之所咨送殊難盡信少不妥協恐

累及於卿朕意如是並非因信卿不及而發此諭也今
如有確知優等將備人員但只具疏題來不必回護

同日又

奏為請

旨事竊照休致海澄公黃應纘因爭襲世爵經臣會同
督臣高其倬撫臣劉世明審明以伊姪黃仕簡堪
膺襲爵奏

聞在案現在飭取宗圖印結另行具

題但黃應纘既經告休理應安居鄉里循分自守豈得恃其世爵恣意妄行臣署事以來訪知黃應纘平日陵虐小民蔑視府縣因其恃有

欽頒印信一顆動稱公府文書可以直達部院肆其強橫尤可異者應纘爭襲一案經臣會審具

奏所有欽奉

皇上硃批諭旨豈敢輕以示人乃黃應纘係此案聽審之人竟敢擅用印文遣人齎投臣署公然索看

硃批奏摺傲慢無禮不遵

功令莫此為甚以臣總督衙門而黃應纘尚敢如此
除無知可笑一句之外無言以評黃應纘也
肆無忌憚其平日目無地方官吏不問可知臣查

當日

頒給海澄公印信之故因彼時海氛未靖海澄公標下
設有官兵不得不

頒給印信以資統轄今海澄公標下官兵久奉裁革印
信實無所用抑且因此滋事實於海疆地方甚不

相宜仰請

皇上將海澄公印信

敕令送部銷毀將來黃仕簡承襲之時另

頒敕書一道俾其世襲如此則不特黃應纘不致怙侈

蔑禮克保身家即將來嗣襲之員皆知安分不敢
復蹈前愆矣為此繕摺請

旨伏乞

皇上批示遵行謹

奏

已有旨矣

雍正七年十二月二十四日署理福建總督印務
吏部左侍郎臣史貽直謹

奏為覆奏事本年十一月十六日撫臣劉世明差員
齎捧奏摺回閩蒙

皇上諭令臣公同開看撫臣劉世明隨會同臣敬謹恭
閱

硃批臣跪讀之下仰見

皇上欽頒諭旨實屬大中至正之道遇事

訓誡無非策勵諸臣改過遷善之至意蓋督撫係封疆
大吏惟有秉公執正不徇情面不博虛聲俾胸無
偏倚庶幾舉劾屬員料理庶務方能協乎羣情合
乎天理而自可上契乎

聖心若於有聲名之處留意周到凡干科甲之事盡心
辦理無論稍有徇情袒護固屬壞法營私即使並

無此等苟且之事而以此居心即屬沽名釣譽已
非忠誠體國之純心寧非為臣下者所當痛戒乎
至於

聖諭有云一務名則不誠以不誠之心辦理事務斷無
是當之理又

諭云人之精力有限專於此必忽於彼務名者未有不
廢實行之理根本一失必遭鬼神譴責

上天既不錫佑人力何能支撐凡諸

訓諭悉皆精一之至言雖帝典王謨垂戒臣工無以逾
此豈特撫臣劉世明當奉為

寶訓銘佩終身即凡屬臣工均當凜遵

訓旨以為立身行己之準繩今蒙

皇上命臣竭力規誠以臣之愚何能宣揚

聖意於萬一臣於奉到

諭旨既與撫臣劉世明敬謹詳細講明復於晤對之時

每事轉相誠勉撫臣劉世明感激

天恩慚愧無地矢志痛加改悔以期仰報

高厚隆恩所有臣奉到

諭旨緣由理合覆

奏為此繕摺奏

聞謹

奏

隨時隨事將朕意明白宣示以開導之於臨回京時再加諄切勸勉可也劉世明大體不謬但恐識見淺狹一

經流入偽途則成廢材殊為可惜耳

同日又

奏為奏

聞事竊查福建本年晚稻收成分數業經臣會同撫臣

劉世明奏

聞在案是閩省各處豐稔已可上紓

聖主宵旰殷懷但臣訪聞往年閩省每至歲底民間或因逋欠未清或因家務彙集不無拮据艱難之狀

惟今年豐稔倍常省城及各府州縣每米一石僅
值市價七八錢及六錢有零不等紳士兵民在在
盈寧俱各從容度歲揆厥所由蓋因福建本省既
獲有秋而隣近諸省又各豐稔是以家給人足民
氣雍和此皆仰賴我

皇上一人有慶上感

天和以致錫福凝禧兆民永賴濱海地方民安物阜白叟
黃童懽欣鼓舞歌咏昇平臣目擊輿情理合據實

奏

聞謹

奏

以手加額覽焉此皆卿等忠誠任事慈愛及民有以感
召休徵之驗朕深為欣悅兼代卿慶幸之

同日又

奏為瀝陳下悃仰祈

睿鑒事竊臣一介庸愚頻年以來仰沐

聖恩至優至渥雖天地之覆載父母之顧復無以逾此
本年閏七月間因督臣高其倬入京

陛見奉

旨著臣署理福建總督印務聞

命以來日夕感悚雖捐糜頂踵何能仰報

高深唯有凡事不敢自欺以欺

君父祇此一念犬馬愚誠稍冀仰酬萬一顧臣有不得

已之下惴敢為我

皇上敬陳之伏念臣賦質羸弱向有心悸之證每遇操勞輒竟夕不寐又臣生長京師不宜南方水土自到閩之後即覺脾氣虛弱肚腹不調然初到閩中猶冀習慣水土自可漸安無如邇來脾氣益弱飲食不能運化加以心悸不寧精神短少竊思福建係山海要疆總督為文武表率誠恐稍有疎虞貽誤不淺臣蒙

皇上委任之重

恩遇之隆至於如此苟徒貪慕外任之顯榮不自度德
量力據實陳

奏則是

皇上以腹心待臣臣不以赤心報

主負

恩曠職臣罪滋深況福建自督臣高其倬任事以來已
四年於茲一切海疆事務悉心料理實屬練達周
詳臣既自揣精神才力實不如高其倬之優裕又

何可掩已之短而抑人之長用敢瀝陳下悃伏乞
聖恩鑒察曲賜矜全俾臣早得還

朝仰承

聖訓不特犬馬戀

主之誠得以稍慰而京師水土相宜精神可以復舊臣

日侍

禁廷尚可勉竭駑駘力圖報效庶臣心安而臣職亦

可稍盡矣為此冒昧奏懇

天恩臣不勝惶悚待

命之至謹

奏

朕洞悉汝之情悃去歲冬初即聞汝不服閩中水土深為繫念後阿爾賽到京備詢情形為之少慰今覽所奏殊覺不能釋然於懷高其倬素諳堪輿命其擇地已得上吉之方因又命往盛京瞻視

三陵諭其便道審觀關外風水所以稽遲時日大約四月

盡五月初間方可旋閩鄉其勉力支撐此數月可也

硃批諭旨卷二百七上



總校官庶吉士臣侍朝

校對官編修臣馬啟泰

謄錄監生臣朱坦